

Ulawulo loKonga aManzi

Abophando be-IWRP babazisile aboMgaqo-Nkqubo woLawulo loKonga aManzi (WDM) kunye naboCwangciso-qhinga lokuMiselwa koLawulo lwaManzi (WDM) lweSixeko saseKapa abaphunyezwa ngokusesikweni ngoSeptemba no-Okthobha 2001 ngokulandelelanayo.

UMgaqo-nkqubo wale WDM ubhekiselele kummiselo ombaxa ololu hlobo: amanzi asisicwangciso-qhinga, axabisekile kwakhona ngumthombo/yimveliso engonelanga; kwaye inkcitho yawo ayinakunyamezelwa konke kwakhona amanzi asetyenzisiweyo kufuneka kwenziwe umlinganiselo wawo, kuzanywe imbuyeko ngoko. Ummiselo wokwenziwa komlinganiselo wawo ngumbandela obaluleke kakhulu ukuze kuqinisekise ukuba amanzi alawulwa ngendlela eyiyo njengoko ibubuchule bendalo, iyinto exabisekileyo neyimveliso enqabileyo/engonelanga. Iinjongo eziphambili ezilungiselelwe ixesha elizayo eziqulunqwe kulo mgaqo-nkqubo ziquka ubulungisa bokusetyenziswa kwamanzi, umiselo oluqilima, ukufikeleleka nokukhuthaza ukusetyenziswa kwamanzi ngendlela efanelekileyo-kugunyaziswe ngokusemthethweni; kwakhona kusetyenziswe ezinye iindlela ukukhawulelana nenkcitho yamanzi kwaye kuqinisekwe ukuba umasipala uwasebenzisa ngobulumko amanzi. Isicwangciso-qhinga solawulo lokusetyenziswa kwamanzi (i-WDM), injongo zaso zokunciphisa ukunqongophala kwamanzi nge-20% zibhekiselele ukususela ngoko, kuthi kufika u-2010, ibe iphele nya ingxaki yamanzi.

I-Projekthi yaManzi ase-Berg (ebisakuba yeyeDama i-Skuifraam)

KwiProjekthi yaManzi i-Berg (BWP) kuye kwenziwa uphando olwahlukene oko kwango-1995 liSebe leMicimbi yezaManzi namaHlathi (DWAF), kuquka nolwamkelekileyo kunye noVavanyo lweMpembelelo lokuSingqongileyo. NgoMeyi 1999, iSebe likaZwelonke leMicimbi yokuSingqongileyo noKhenketho liye lagunyazisa ukuba kudalwe iProjekthi ngokungqinelana noMthetho woLondolozo lokuSingqongileyo.

Ngo-Epreli ka-2002 iKhabhinethi kaZwelonke iye yaphumeza ukusimelwa kweProjekthi yaManzi ase-Berg, kwaye noMphathiswa we-DWAF uye wakhupha umyalelo kwabaseMagunyeni leTonela lase-Trans Caledon (TCTA) ukuba bamisele kwakhona bancedise ngezimali kule projekthi. Iprojekthi le iya kuncediswa kwakhona kukuthengiswa kwamanzi siSixeko saseKapa.


KwiProjekthi yaManzi i-BWP eyakunxulunyaniswa neNkqubo yaManzi yaseNtshona Kapa, kungafunyanwa amanzi angama-81 000 MI ngonyaka. Iindleko zale projekthi (i-BWP) iqukelelwa kwibhiliyoni eyi-R1,5.



IQela lelitye eligcina nelikhupha amanzi (i-TMG Aquifer)

ISixeko saseKapa Sityumbe uMbimbi/indibaniselwano (i-TMG Aquifer Alliance) ngo-Epreli 2002 ukuba liqhubekeke nophando olwaa kelekileyo neprojekthi elilinge. Kulindeleke ukuba iprojekthi le iqhubekeke isithuba esiyiminyaka emihlanu ukuya kwiminyaka esixhenxe.

Kwakhona kulindeleke ukuba uphando olu nale projekthi ililinge ibangele ukuba iSixeko sithabathe izigqibo eziphaphileyo malunga neenjongo ezuliqilima zexesha elizayo, inzuzo kwezoqoqosho kunye neempembelelo zokusingqongileyo kumsebenzi wovimba wamanzi i-TMG Aquifer.



Ikamva elihle loPhuhliso leZkimu zeMithombo yaManzi neZkimu zoLawulo lokuSetyenziswa kwaManzi

Eminye yemibandela ephambili ejongene neSixeko saseKapa ukususela kwesi sithuba ukuya kwixesha elizayo, kukunqongophala kwemithombo yamanzi, kuloko kubalulekile ukuba ukusetyenziswa kwamanzi kulawulwa ngokungqinelana nophuhliso lwezikimu ezitsha ezixandileyo. Zonke izkimu ezikuluhlu lweNkqubo yophando yaseNtshona Kapa (i-WCSA) kunye nezinye izkimu ezidalwe liSebe lezeMicimbi yaManzi namaHlathi (I-DWAF) nezikimu zokulondolozwa kokumpontshwa kwamanzi (i-CCT), ekungoku nje ezikwinkqubo zokuba zihlolwe kwakhona. Izkimu zemijelo yokusetyenziswa kwakhona kwamanzi (ukulungiswa kwamanzi aselesetyenzisiwe) nezo zikwiphulo lokusetyenziswa kwamanzi ngendlela eyiyo, zokuqwalaselwa kwakhona. Ezi zikimu ke kufuneka zidluliselwe okanye zibekwiphulo lokuhlolwa ngokwempembelelo yokusingqongileyo kwakhona ezinye zazo zinokufunyaniswa zingenakuqhubeka phambili ngenxa yemeko emaxongo yezoqoqosho.

Izkimu zoLawulo lokuSetyenziswa kwaManzi ekungoku nje ezimiselweyo ziyahambelana, ziyamelana noxinzelelo okanye imeko yongxamiseko, zinemfundiso kwakhona zikwayimijelo yamanzi asele esetyenzisiwe -anokusetyenziswa kwakhona. Ekubeni iSixeko saseKapa siphumelele ekumiseleni iinjongo yaso yoLawulo lokuSetyenziswa kwaManzi (i-WDM), emva koko kulindeleke okanye kucingeleka ukuba kuya kuba yimfuneko yomthombo omnye kuphela- emva kokuba kumiselwe iProjekthi yaManzi ase-Berg, ngo-2012/2013 ozayo. Kubalulekile kakhulu ukuba ucwangciso luqale ngexesha njengoko kuthabatha ixesha elide lokuba kuqhubekeke okanye kumiselwe isikimu somthombo wamanzi (yiminyaka e-6 ukuya kwi-7). Sesizathu ke kungoku nje iSebe lezeMicimbi yaManzi naMahlathi neSixeko saseKapa benika Ingxelo kwiNkqubo yezoHlalutyo yaseNtshona Kapa. Impembelelo efana nokutshintsha kwemozulu jikelele neziphumo zayo zokutshintsha-tshintsha kwamaqondo obushushu, kwakhona isenokuqhwalelisa ikamva lezi zikimu.

Ukulungiswa kwamanzi anetyuwa

Inkqubo yokulungiswa kwamanzi anetyuwa yenye yomthombo wamanzi elindelekileyo yeSixeko saseKapa eyaphandwa ngokwezinga elingekavunywa njengenxal 'enye "YoPhando ngokuHlangeneyo loPhuhliso lwe-Mithombo yaManzi".

Kungokunje le nkqubo yokulungiswa kwamanzi anetyuwa yeyona inendleko ngaphezulu kwesikimu somthombo wamanzi esiqhelekileyo esiqhutywa ngezandla zabantu. Kodwa kuthe ngokunyuka kwezinga lobuchwepheshe, ziye zehla iindleko zale nkqubo (ukususwa kwetyuwa emanzini). Oku kusenokubangela ukuba le nkqubo imiselwe kuqala kunezikimu ziqhelekileyo zemithombo yamanzi sele zikhankanyiwe.

Kuloko iSixeko saseKapa sithabathe isigqibo sokumisela iprojekthi elilinge ukuze ikwazi ukuqonda esona sakhono siphambili esinekamva elihle leSixeko.


Iincwadi ezisetyenzisiweyo:
IsiCwangciso soPhuhliso seNkonzo zaManzi, Juni 2002
UPhando ngokuHlangeneyo loCwangciso lweMithombo yaManzi, 2001
UPhando lokuFumaneka kwaManzi, 2001
UMgaqo-Nkqubo woLawulo lokuSetyenziswa

Ukongwa amanzi yeyona ndlela iyiyo yobomi

Avelaphi amanzi ethu?



Yonga amanzi ethu.
Yonga isixeko sethu.



Imbali emfutshane

Amanzi ngumthombo onqongopheleyo eNtshona Kapa, kwaye ngokwembali kuye kwazanywa iindlela zezithintelo zokusetyenziswa kwamanzi, kwalandeliswa ngokuphuhlisa kwezikimu ezitsha ezandisiweyo zamanzi. Kude kube sembindini kuka-1990, bekusetyenziswa icebo apho bekujongwa umthombo apho afunyanwa khona amanzi kwakhona nokukhulisa kwezikimu ezitsha zamanzi ukukhawulelana nokunyuka kwesidingo samanzi.

Intsusa yamanzi ebekusetyenziswa ngabantu bomthonyama balapha eNtshaona Kapa kunye nabatyelile kweli, ebephuma kwimisinga nemithombo eyahlukeneyo efumaneka phantsi kweNtaba yeTafile. Imbalela yokuqala eyabhalwa phantsi yafumaneka ekuqaleni kwexesha lasehlotyeni lomnyaka ka-1663 apho kwathi kwangqongophala amanzi okunceda ukuhamba kweenqanawa. Luye lwanda uluntu ngo-1806 ukuya kuma-17 000 kwakhona kwakhula nezenzo zenkcitho nongcoliseko olubangela ukungonwabi nezigulo. Kuye kwadalwa amanyathelo okulawula inkcitho yamanzi. Oku kuye kwaquka ukutshintshwa kwemibhobho yamaplanga evuzayo kwafakelwa imibhobho yesinyithi (yentsimbi) esuka e-England (eNgilane) kwakhona kwatshintshwa amachibi okanye imithombo yamanzi angqonge iSixeko kwafakelwa iimpompo zamanzi eziphathekayo zamandulo (ii-swaaipompe). Iimpompo ezilolu hlobo zisekhona e-Prins street, e-Gardens. Kuye kwakhula ngokukhawuleza uphuhliso lwedolophu nobubanzi beSixeko emva kwenkulungwane, kwaye kwabangela ubunzima bokufumaneka kwamanzi. Oku kuye kwabangela ukuba kwakhiwe amaDama i-Woodhead ne-Hely Hutchinson elundini yentaba ye-Cape Peninsula kwinkulungwana yama-20. Nakubeni kuye kwakhiwa lamadama mabini, kuye kwanyanzeliswa kwakhona imiqathango yokusetyenziswa kwamanzi ngexesha lembalela ka-1904. Kuye kwathabatha ixesha ukugqitywa kwedama elikumlambo i-Steenbras, ngo-1921, kwagqitywa



itonela eliphumela kwiintaba zaMa-Hottentots Hollands, umtyangambo wombhobho wamanzi obude ongama-64km ukuya kwichibi i-Molteno, ukukhawulelana nale ngxaki. Emva kweMfazwe yeSibini yeHlabathi, siye senyuka isidingo samanzi, kwandiswa iDama i-Steenbras ngo-1928 kwakhona kongezwa ukumiselwa kwemibhobho yamanzi edibanisa iKapa. Kwangeli xesha, isidingo samanzi siye senyuka kwakhona (sangaphaya kwamandla amiselweyo), kwakhona kwamiselwa umbhobho wesithathu osusela e-Steenbras kunye nomzimveliso wokucoca amanzi, kwagqitywa ngo-1949 (ibe kokokuqala ukuba kususwe umbala omdaka emanzini). Kuye kwalandeliswa ngokwandiswa kwakhona kweDama i-Steenbras ngo-1954.

ISixeko siye saqalisa iSkimu esiBanzi saManzi e-Wemmershoek ngo-1953. Oku kuye kwaquka ukwakhiwa kedama elikhulu kumlambo i-Wemmers, umsebenzi wokucocwa kwamanzi nombhobho wamanzi obude obungama-80 kilometre ukuya kwichibi elise-Tygerberg. Kwakhona elinye ithuba elimiselweyo lwezithintelo zokusetyenziswa kwamanzi liye lakhokelela ekwakhiweni kweDama i-Wemmershoek, eligqitywe ngo-1957.

Ukwanda kwemithombo yeSixeko yamanzi ubungama-66 400 megalitres ngesabelo somnyaka, esusela kwiSkimu sasebuRhulumenteni saManzi i-Volvllei. Ngo-1971, kuye kwagqitywa umsebenzi weBhunga oquka imisebenzi eqhubekela ngaphakathi, imizi-mveliso yococeko lwamanzi, izikhululo zokuthiwa kwamanzi kunye nombhobho ongama-80 kilometres ubude- ububanzi obuyi-1 500 mm.

Okulandelayo ibesiSkimu esiBanzi saManzi i-Riviersonderend, esiye saqhutya ngokubambisene neSebe leMicimbi lezaManzi (i-DWAF) kunye neBhunga leSixeko saseKapa. Umsebenzi wokwakhiwa kweDama i-Theewaterskloof elikwi-Riviersonderend kufutshane ne-Villiersdorp netonela elingama-35 kilometers, uqhutywe li-DWAF. ISixeko sona siye sokha uMzi-mveliso wokuCocwa kwaManzi wase-Blackheath (i-WTP) (400 MI/d) kunye nemibhobho enxulumene noko, ekwanika inkxaso kumachibi afanelekileyo eNqila yaseKapa. Kwakhona kuye kongezwa umbhobho oqhagamshelana neDama i-Theewaterskloof ukuya e-Wemmershoek- WTP ohamba ngomngxunya obunzulu obuyi-1 100 mm. Izicwangciso kunye nokuqhubekela kokuhlolwa kwale nkqubo kuye kwabonakalisa imfuneko yokandiswa kwale nkqubo ngexesha lasehlotyeni lika-1993, kwamiselwa iSkimu saManzi i-Riviersonderend/Palmiet River, esiquka i-WTP ese-Faure (500 MI/d) esingumthamo oyi-640 MI kunye nombhobho wamanzi ongama-22.6 km. ISkimu sokugqibela esikhulu esathi sakhiswa yaba yi-Palmiet, eqhagamshelana nomlambo i-Palmiet ukuya kwi-Faure WTP ophumela kwiiSkimu ezibini zokuGcina ukuMpontshwa kwaManzi i-Eskom's Palmiet Pumped Storage Scheme ne-CCT's Steenbras Pumped Storage Scheme.



Ngo-2002 uMphathiswa weSebe lezeMicimbi yaManzi kunye namaHlathi uye wathabatha isigqibo sokwaneliseka yinkqubo phambili yeSixeko ngokuphathelele kukumiselwa kolawulo lwengxaki yokunqongophala kwamanzi. UMphathiswa kwakhona uye wagqiba ekubeni aqhubekeke nokumiselwa kweProjekthi yaManzi yase-Berg, phantsi komqathango wokuba iSixeko siya kuqhubekela nokumiselwa uLawulo lokuNqongahala kwaManzi njengenqubo enxusene neprojekthi le.

Imithombo ephambili yaManzi kunye neSixa sokuSetyenziswa kwawo(imfuneko yamanzi)

Amanzi alungele ukuselwa afunyanwa ngabantu abamalunga nezigidi ezisi-3.2 abakwalapha kuMmandla weNqila yaseKapa kwaye ubuninzi bawo afumaneka kummandla we-Drakenstein (ePaarl nase-Wellington) nakuMasipala wase-Stellenbosch. Amadama ekufumaneka amanzi liDama i-Table Mountain (3 500), i-Dama elukuMntla we-Steenbras neliseMazantsi (40 000), iDama i-Wemmershoek (54 000), i-Volvllei (70 400) neDama i-Theewaterskloof (118 000). Amanzi kwakhona angephi akwafumaneka kwiMithombo i-Albion (1 500) ne-Atlantis Aquifer (5 000). La manani akwizibiyeli abonakalisa isixa sokusetyenziswa kwamanzi esibhalisiweyo siSixeko kuyo yonke imithombo yamanzi. Umthamo womzi-mveliso wokucocwa kwamanzi umalunga ne-1500 MI/d nomthamo wechibi/idamana elungivimba wamanzi umalunga nama-2 500 MI. Amanzi emijelo/imilanjana acociweyo aphinde asetyenziswe kwimizi-mveliso nasekuncenkesheleni. Okokwangoku malunga ne-6% ukuya kwi-12% lamanzi emilanjana acociweyo aphinde alungiselelwe ukusetyenziswa kwimizi-mveliso, kumabala ezemidlalo, ezikolweni nakumabala egalufa. Umlinganiselo okhoyo wemfuneko yamanzi womnyaka-mali ka-2003/2004 ubungama-865 MI/d.

UkuHlalutywa kweNkqubo yoPhando yaseNtshona Kapa

Ngo 1989, iSebe leMicimbi lezaManzi naMahlathi kunye neBhunga loLawulo leSixeko saseKapa laqalisa uphando ukuba kuqinisekiswa ngemithombo yamanzi engaba ikhona, kuquka nokususwa kwetyuwa kwimithombo ejikeleze iNtshona Kapa kwaye kuthelekiswe iindleko ngokweyuniti. Olu phando luye lwabizwa ngokuba yi-Western Cape Systems Analysis - Uhlalutywe laseNtshona Kapa leMithombo yaManzi (WCSA).

Ngo 1996 izigqibo okanye iziphakamiso eziye zaqatshelwa yi-WCSA ziquke inkqubo yentatho-nkxaxheba yoluntu. Oku kuye kwabangela ukuba kubekho izikimu ezilishumi elinambini ukuba ziphandwe nzulu.

Ibezezi ke: iSkimu soLawulo sokuSetyenziswa kwaManzi, Ukususwa kwezityalo ezingalunganga, iSkimu esikwisPhambuka seziThuthi i-Michells Pass, esikwisPhambuka soMlambo i-Eester, iSkimu sase-Vollvllei/Lorelei 1, iSkimu esisesiPhambukeni soMlambo i-Lourens, iSkimu seLitye eliGcina neLikhupha aManzi lase-Cape Flats, iSkimu seDama i-Skuifraam, eSofakelelo lwase-Skuifraam, iSkimu sokuSetyenziswa kwakhona kwaManzi oGutyulo, iSkimu sokuThungelana/ukuTshintshelana kweMibhobho yoGutyulo neSkimu sokuSuswa kwetyuwa eManzini.

Uphando olungekamkeleki okanye oluselamkelele luye laqhutywa kuzo zonke ezi zikimu zikhankanyiwe ngentla apha liSebe leMicimbi lezaManzi namaHlathi okanye iSixeko saseKapa. ISebe lezeMicimbi lezaManzi namaHlathi liye lagqiba ekubeni liqhubekela nophuhliso lweProjekthi yaManzi ase-Berg (iDama i-Skuifraam neSkimu eSifakelelweyo e-Skuifraam). Ekuqaleni oku ibiliDama lomlambo i-Berg elongezeleleke kwiNkqubo yokugcinwa kwaManzi aseNtshona Kapa kwaye iye yasisikimu esibangele iindleko ezinkulu.

UCwangciso ngokuHlangeneyo lweMithombo yaManzi

Ngokuqonda ukuba ulawulo lwengozi yokunqongophala kwamanzi kuye kwangxamela ukubaluleka kakhulu ukuze kuqinisekiswa ngekamva elihle (eluhlalima) lovimba wamanzi nanexabiso elifikelekayo, iSixeko siye saqgiba ukuba sidale isicwangciso-qhinga ngokuhlengeneyo kunye nokwandisa kwemithombo yamanzi, kwaye kuthe ekupheleni kuka-1999 iSixeko siye saqhuba "uPhando lwesiCwangciso ngokuHlangeneyo sokuGcinwa kwaManzi" -IWRP (i-Integrated Water Resource Planning Study) "noPhando lokuFunyanwa koBuninzi/imithombo yaManzi" (i-Bulk Water Supply Study).

Injongo yezi zifundo ibekukuphanda izinga lephulo elingekamkeleki lesiqalo solawulo lokufuneka kwamanzi ngokudibeneyo nezikimu ezahlukeneyo zokufunyanwa kwamanzi ngokubanzi.

Iziphumo zolu Phando zibonakalise ukuba kuye kongiwa ngokufanelekileyo, ukukhawulelana nokushokoxeka kwamanzi, kunganempumelelo ngokumiselwa kwamaphulo athile olawulo lokusetyenziswa kwamanzi. Xa kuthelekiswa la maphulo okufunyanwa kwamanzi, amanye awo anganeendleko ezincinane, nje ukuba, angamiselwa ukuba agqitywe ngokwexesha elifutshane kwakhona kummandla osingqongileyo ofanelekileyo kwaye amnkelele eluntwini lasekhaleni.

Abophando be-IWRP bandulule ukuba iSkimu eSandisiweyo i-Voelvllei lbesilandelayo ukumiselwa, silandele iProjekthi yaManzi ase-Berg (BWP). Ngokungqinelana noku kungentla kuye kwandululwa kwakhona ukuba kuqhutywe olunye uphando oluthe vetshe noluvunyiweyo kuMatye aGcina nakwaMpompzo aManzi akwiNtaba yeTafile (i-Table Mountain Group Aquifer).

Ukongwa amanzi yeyona ndlela iyiyo yobomi